

太上黃籙齋儀卷之三十九

五五

太上黃籙齋儀卷之三十九

王五

唐 廣成先生杜光庭 集

遷拔落景行道

入戶 各禮師存念如法

衛靈

五星高曜

瑞氣飛浮

元始集神

天地交周

玉符寶節

嘯命微幽

擲火揚威

奸凶無留

萬魔振伏

紛葩却消

摧怪伐惡

道炁周流

神光照夜

陰翳俱收

萬神降格

扇景乘飈 群生咸遂 惠遍神州

鳴法鼓二十四通

无上三天玄元始三炁太上道君召出臣身  
中三五功曹左右官使者侍香金童傳言散  
花玉女五帝直符直日香官各三十二人出

王五

出者嚴裝關啓玄壇天帝神君當召此間土  
地里域真官正神以今落景燒香行道入意  
願得玉清道炁靈寶妙光下降流入臣等身  
中令臣所啓速達徑御

太上无極大道虚无自然金闕玉陛下



太上各稱法位

具位臣某謹同誠上啓

虛无自然元始天尊无極大道太上大道君  
太上老君无上玄老十方已得道大聖衆至  
真諸君文人三十六天帝君玉虛上帝玉帝

大帝東華南極西靈北真玄都玉京金闕七  
寶玄臺紫微上宮靈寶至真明皇道君三十  
六部尊經玄中大法師三界官屬一切真靈  
臣等獲以福階遭逢道運金書演教玉簡開  
圖佩服靈文傳承妙訓竊惟虛皇立極太上

懸科惠及幽明恩沾生死北艷夜府神光垂  
照燭之慈南霍仙庭真格示超昇之品粵自  
億劫以及茲辰靈澤灑其塵勞法舟濟其淪  
溺拯生度死佐國利人妙捷玄樞人天蒙祐  
臣等思弘秘贖遷護存亡凡有所祈理宜關  
奏況奉詞旨敢不上聞

王五

二

讀詞

按如詞言事形廣濟齋主某誠深修奉志切  
追崇拯幽夜之庭痛窮泉之苦虔誠齋薦冀  
獲感通臣等按靈寶尊經明真上品啓琅函



玉匱拯幽夜沉淪依飛天神人說罪福緣對  
拔度科典開設壇場繒燭香花質心效信列  
詞騰款關告諸天所期福被陰冥惠覃家國  
以今落景行道請法衆等運茲初捨上香  
願此香煙騰空徑上供養

无上至真道寶臣等歸身歸命首體投地仰

依

太上三尊願以是功德歸流宗廟先靈超神  
三境帝王國主比德二儀鳳曆延洪龍圖遐  
永天元朗晏地紀安寧風雨順時生靈康泰

今故燒香歸依

師尊大聖衆至真之德得道之後昇入无形  
和與道合真

以今落景行道請法衆等運茲二捨上香  
願此香煙騰空徑上供養

三五

无上至真經寶臣等歸身歸命首體投地仰  
依

太上三尊願以是功德歸流齋主某九世七  
玄億曾萬祖先亡後逝一切魂靈六趣幽沉  
三塗苦爽並願釋愆地簡削罪陰曹鍊魄洞



陽生神丹霍冰泉夜府永無報對之勞地獄  
冥關盡化清涼之境冤仇和釋債訟消平利  
祐見存克蒙貞吉今故燒香歸依  
師尊大聖衆至真之德得道之後昇入无形  
和與道合真

以今落景行道請法衆等運茲三捻上香  
願此香煙騰空徑上供養

无上至真師寶臣等歸身歸命首體投地仰  
依

太上三尊願以是功德歸流率土有生普天



舍識俱承廕祐各遂安寧泊乎六道輪迴九  
陰拘執神輝普照離苦生天聖力遐沾聞經  
悟道齋主某家六姻五族內外親緣恒福所  
資災纏弭息齋功所及罪咎蠲消壽祿增延  
禎祥臻萃舍靈蠢動一切衆生共荷鴻休咸  
登道域今故燒香歸依  
師尊大聖衆至真之德得道之後昇入无形  
和與道合真

禮方

懺悔

三啓頌

樂法以爲妻 愛經如珠玉 持戒制六情

念道遣所欲 澹泊正氣傳 蕭然神靜默

天魔並敬護 世世受大福

鬱鬱家國盛 濟濟經道興 天人同其願

王五

縹緲入大乘 因心立福田 靡靡法輪昇

七祖生天堂 我身白日騰

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮



三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

具位臣某等重伸上啓

太上无極大道元始天尊太上大道君太上

老君十方無極大道道德衆聖天尊至真大帝天帝天師君上相上宰四司五帝三十六部尊經玄中大法師三界應感一切真靈臣等獲以凡微叅奉大法三乘演化至道開光龍篆鳳書天章玉訣咸蒙稟受克遂遵行未

五五

五

能匿景幽林棲神世表以希高舉謝絕塵寰而與俗沉浮混同常品愆非旋積修奉不專徒以弘贊教儀敷揚妙訓度人濟物佐國立功冀罄丹誠仰助玄化普令一切咸入法門開度存亡拯護幽顯今齋主某謄詞列款齋



信效心依按典儀奉修齋直露懇三光之下  
投誠萬聖之前然九幽神燈照三塗罪苦破  
彼昏暗開諸光明行道轉經虔誠懺悔仰慮  
亡靈神識無數劫來捨身受身循環報質或  
生天上或誕人間或處中華或居異域或貴  
或賤或富或貧或不悟善因或不逢正法或  
執信邪妄輕毀正真或妬妬賢明誹謗良善  
或邪行曲逕冒利貪財絕人種親離人恩愛  
傷殘物命淫祀殺生危人自安害他利己十  
惡三業興造罪根肆意任情繁奢無度或釣

川弋宿焚林竭山刑法非宜殺傷乖理或爲  
臣不忠穢慢三光呵忿雷雨不敬天地不畏  
神明積行所爲罪條無量或前寃未解宿債  
未原往報未祛深殃未懺身歿之後流曳三  
官痛毒催嬰魂神幽閉在窮泉之下地獄之  
中一沉永夜生道斷絕動經億劫開度無由  
或受幽囚或充考掠負山運石撻汲溟波走  
電驅雷辛勤無息冥冥受報望返何期自非  
大道開恩天尊愍護負斯痛惱懺拔無階以  
今一念至誠洗心歸向無邊之苦並乞赦除



伏冀歷劫種親億曾魂爽垂茲勝福咸得生  
天墳冢安全註訟寧息九泉罷考幽夜光明  
六道四生含靈抱識俱登福岸齊契正真上  
願道化興行二儀貞靜三光朗曜帝業遐昌  
文軌大同烽煙罷戢干戈疫毒水火旱蝗無

王五

六

撓黎元無侵境域俗臻富壽化洽和平齋主  
某家眷屬六親常承玄祐千災殄息萬善資  
熏所啓所析克蒙御達所首所謝皆獲感通  
上明

天尊慈施之澤下副臣等懺謝之誠謹啓以

聞

發願

一願大道流行普天懷德二願一切有生咸  
皆悟道三願九夜悲魂一特解脫四願孤魂  
無依咸得受生五願天下太平五穀豐熟六  
願臣忠子孝君仁父慈七願四海通同冤親  
和釋八願潛胞處卵咸得生成九願積疾新  
痼旋即痊愈十願孤露衆生豐衣足食

復爐

香官使者左右龍虎君侍香諸靈官當令  
臣



行道之所自然生金液丹碧芝英百靈衆真  
交會在此洞案爐前令臣學道得道求仙得  
仙十方仙童玉女接待香煙傳臣向來所啓  
之言速達徑御  
太上无極大道金闕玉陛下

三五

出戶

七

太上黄籙齋儀卷之三十九



